

जय महावीर मेवाड़ धरा महाराणा,  
एकलिंग दिवान थाने,  
शत् शत् प्रणाम थाने,  
प्रण लिया वारया नित प्राण रे,  
जय महावीर मेवाड़ धरा महाराणा ॥

आडावल ऊंचो अडखीलो,  
ऊंचो गढ़ चितौड़ रे,  
आडावल ऊंचो अडखीलो,  
ऊंचो गढ़ चितौड़ रे,  
मगरा मगरा पर्वत पर्वत,  
धूंजे घोडा पौड़ रे,  
घाटी घाटी के घट गाथा,  
गूंज रयो गुण गान रे,  
चित्त मंडिया चित्तराम चितारे,  
हर पत्थर चट्टान रे,  
पग पग प्रणाम रे,  
वीरा री खान हैरे,  
शूरापण ज्यारी जूनी शान है,  
जय महावीर मेवाड़ धरा महाराणा ॥

प्रजा रा दुख पीडा देखन,  
गश्त लगाता भूप रे,  
प्रजा रा दुख पीडा देखन,  
गश्त लगाता भूप रे,

गाँव नगर री गलिया धूमत,  
नित नव धरता रूप रे,  
करता काम हमेशा निश्दिन,  
झुंज्या महा संग्राम रे,  
महाराणा कुम्भा रा कुंवर,  
सांगा श्री संग्राम रे,  
प्रजा प्रतिपाल हा रे,  
दुश्मीरा काल हा रे,  
दुर्बल दुखीया रा राणा दास रे,  
जय महावीर मेवाड धरा महाराणा ॥

घर आया माँ जाया जेडा,  
जुनी आदु रीत रे,  
घर आया माँ जाया जेडा,  
जुनी आदु रीत रे,  
परमेश्वर ज्यु जाण पावणा,  
पाले पूरी प्रीत रे,  
सैनिक रूप मे राणा सांगा,  
रुके गुर्जर घर रात री,  
गाया को धी पुरस घाट मे,  
करी गुजरी खातरी,  
हिवडे मे पीडा जागी,  
नैणा जल सीर आ गई,  
कारण पूछे महाराण रे,  
जय महावीर मेवाड धरा महाराणा ॥

बीर नही म्हारे पीर बटोहि,  
बाई पन्ना को व्याव है,

बीर नही म्हारे पीर बटोहि,  
बाई पन्ना को व्याव है,  
पाट उतारे कुणसो मामो,  
मन मे चुनडी री आस है,  
पति पिता और माँ रा जाया,  
आया युद्ध रे काम रे,  
भात भरावे कुणसो बीरो,  
चित्त नाचे चितराम रे,  
उलझी रहू उलझन में,  
मनकी रे जावे नी मन मे,  
कुणसो कानुडो सुणे कान रे,  
जय महावीर मेवाड धरा महाराणा ॥

दोहा अबला री अरदास ने,  
राणा सुनली कानो कान,  
भात भरण पन्ना व्याव मे,  
एतो चाल्या रे मेवाडी राण ।

धर्म धुरी मेवाड़ धणी नित,  
धरे धरा से ध्यान रे,  
धर्म धुरी मेवाड़ धणी नित,  
धरे धरा से ध्यान रे,  
भरण मायरो आज बहन के,  
चाल्या मेवाडी राण रे,  
सज धजीया संग्राम सिंहजी,  
गाजा बाजा साथ रे,  
पीटी पाट उतार पन्ना ने,  
भरीयो बाई रे भात रे,

प्रजा नित सांगा मे पाया,  
जन जन के मन मे भाया,  
पूर्ण प्रजा का राणा प्राण रे,  
जय महावीर मेवाड़ धरा महाराणा ॥

महाराणा मेवाड़ धरा री,  
राखे मूछ मरोड रे,  
महाराणा मेवाड़ धरा री,  
राखे मूछ मरोड रे,  
जुगबाला री आज जगत मे,  
हुई न होवे होड रे,  
सिसोदिया सिरदार शूरमा,  
सगला मे सिरमौर रे,  
चार खूट मे चावो जुग जुग,  
रयो गढ चितौड़ रे,  
प्रजा प्रसंग मे रे,  
आलस नी अंग में रे,  
कोई कसर नही काण रे,  
जय महावीर मेवाड़ धरा महाराणा ॥

जय महावीर मेवाड़ धरा महाराणा,  
एकलिंग दिवान थाने,  
शत् शत् प्रणाम थाने,  
प्रण लिया वारया नित प्राण रे,  
जय महावीर मेवाड़ धरा महाराणा ॥

गायक प्रकाश माली जी ।  
प्रेषक मनीष सीरवी ।  
(रायपुर जिला पाली राजस्थान)

9640557818

Source: <https://www.bharattemples.com/jay-mahaveer-mewad-dhara-maharana/>



# Bharat Temples

Complete Bhajans Collections - Download Free Android App

[https://play.google.com/store/apps/details?id=com.numetive\\_bhajans](https://play.google.com/store/apps/details?id=com.numetive_bhajans)

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>